



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 4. stav 2., člana 8. i člana 13. stav 4. Zakona o cestama Federacije BiH ("Službene novine Federacije Bosne i Hercegovine", broj: 12/10, 16/10 i 66/13), člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09) i člana 19. tačka 2. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinsko vijeće Breza, na sedmoj redovnoj sjednici održanoj dana 27.05.2021. godine, donosi

ODLUKU
o lokalnim i nerazvrstanim cestama na području Općine Breza

I - OPĆE ODREDBE

Član 1.

Ovom odlukom uređuje se upravljanje, građenje, rekonstrukcija, održavanje, zaštita, nadzor i finansiranje lokalnih i nerazvrstanih cesta i ulica na području Općine Breza, koje imaju status javne ceste (u daljem tekstu: ceste).

Član 2.

Cesta je svaka površina na kojoj se odvija saobraćaj.

Lokalne ceste povezuju naselja u općini s naseljima iz susjednih općina, ili povezuju važnija naselja unutar općine, te povezuju saobraćaj na druge javne ceste iste ili više kategorije.

Javne staze su saobraćajnice namijenjene za povezivanje naselja ili dijelova naselja u okviru općine, a ne ispunjavaju propisane kriterije za lokalne ceste, ili su predviđene samo za određenu vrstu učesnika u saobraćaju (ceste i staze u stambenim zonama, seoske ceste i staze, pješačke staze, biciklističke staze, konjske staze i slično).

Nerazvrstana cesta je površina koja se koristi za saobraćaj po bilo kojoj osnovi (poljski i šumski put, zatim put na nasipima za odbranu od poplava, prilazni put do svih novoformiranih građevinskih parcela, sokaci i slično) i koja je pristupačna većem broju korisnika (dva ili više lica).

Ulica je dio ceste u naseljenom mjestu, s trotoarom i ivičnjakom, pored koje se najmanje s jedne strane nalaze redovi kuća ili grupe zgrada.

Kolovoz ulica u naseljima i gradovima kroz koje prolaze javne ceste smatraju se dijelovima tih cesta.

Član 3.

Javnu cestu čine:

- cestovna građevina (posteljica, donji stroj kolnika, kolnička konstrukcija, most, vijadukt, podvožnjak, nadvožnjak, propust, tunel, galerija, potporni i obloženi zid, nasip, pothodnik i nathodnik),
- građevine za odvodnju ceste i pročišćavanje vode,
- cestovni pojas s obiju strana ceste potreban za nesmetano održavanje širine prema projektu ceste, a najmanje jedan metar računajući od crte koja spaja krajnje točke poprečnog profila ceste,
- zračni prostor iznad kolnika u visini 7m (sedam metara),
- cestovno zemljište koje čini površina zemljišta na kojoj prema projektu treba izgraditi ili je izgrađena cestovna građevina, površina cestovnog pojasa, te površina zemljišta na kojima su prema projektu ceste izgrađene ili se trebaju izgraditi građevine za potrebe održavanja ceste i pružanja usluga vozačima i putnicima, te naplatu cestarine predviđene projektom ceste (objekti za održavanje cesta, upravljanje i nadzor prometa, naplata cestarine, benzinske crpke, servisi, autobusna stajališta, parkirališta, odmorišta itd.),
- građevine na cestovnom zemljištu, za potrebe održavanja ceste (cestarske kuće, punkтови i stacionari) i pružanja usluga vozačima i putnicima, te naplatu cestarine, predviđene projektom ceste,
- stabilni mjerni objekti i uređaji za nadzor vozila,
- priključci na javnu cestu izgrađeni na cestovnom zemljištu,
- saobraćajni znakovi i uređaji za nadzor i sigurno vođenje saobraćaja i oprema ceste (horizontalna i vertikalna saobraćajna signalizacija, svjetlosnosignalni uređaji, telekomunikacijski stabilni uređaji, instalacije i rasvjeta u funkciji prometa, cestovne značke, detektori-brojači prometa, instalacije, uređaji i oprema u tunelima, oprema parkirališta, odmorišta i slično),
- mjerne vage i objekti za vaganje i kontrolu prometa,
- građevine i oprema za zaštitu ceste, saobraćaja i okoliša (snjegobrani, vjetrobriani, zaštita od obrušavanja i nanosa materijala, zaštitne i sigurnosne ograde, smjerokazi i kilometarske oznake, odbojnici, zaštita od buke i drugih štetnih utjecaja na okoliš i slično).

Član 4.

Lokalne i nerazvrstane ceste i ulice na području Općine Breza su u nadležnosti Općine Breza.

Sve ceste iz člana 2. ove Odluke sa pripadajućim zemljištem su javna dobra.

Član 5.

Obezbjedenje materijalnih i drugih uslova za održavanje, zaštitu i upravljanje lokalnim i nerazvrstanim cestama vrši Općina Breza putem svojih nadležnih organa i službi.

II – UPRAVLJANJE

Član 6.

Cestama na području Općine Breza upravlja Općinski načelnik putem općinske službe nadležne za upravljanje cestama (u daljem tekstu: Upravitelj cesta) na način da:

- obavljaju poslove održavanja i zaštite cesta,
- pripremaju dugoročne i srednjoročne planove razvoja cesta i izvješća;
- pripremaju srednjoročne i godišnje planove i programe održavanja, zaštite, rekonstrukcije i izgradnje cesta kao i izvješća o realizaciji tih planova i programa;

- pripremaju plan obnove;
- vrše investicijske poslove za održavanje i obnovu, rekonstrukciju i izgradnju;
- vrše investicijske poslove za osiguranje potrebne studijske i projektne dokumentacije;
- pripremaju i realiziraju program mjera i aktivnosti na unapređenju sigurnosti prometa;
- predlažu financijske planove kao i financijska izvješća o realizaciji tih planova i programa, i osiguranje sredstava za potrebe cesta;
- vode evidenciju (bazu podataka) cesta, objekata, prometne signalizacije i opreme na cestama i katastra cestovnog zemljišnog pojasa;
- prikupljaju podatke i obavještavaju javnost o stanju cesta i načinu odvijanja prometa;
- poduzimaju potrebne mjere za očuvanje i zaštitu okolice

III – IZGRADNJA, REKONSTRUKCIJA I SANACIJA

Član 7.

Planiranje radova na izgradnji, rekonstrukciji, sanaciji i održavanju cesta vrši se u skladu sa Godišnjim planom koji donosi Općinski načelnik uz saglasnost Općinskog vijeća Breza.

Član 8.

Pod izgradnjom cesta smatra se izgradnja cesta pretežno po novoj trasi.

Pod rekonstrukcijom cesta, smatraju se radovi na dijelu postojeće ceste kojim se mijenjaju njene tehničko-građevinske karakteristike i konstruktivni elementi sa ciljem povećanja kapaciteta ceste i poboljšanja uslova saobraćajnih usluga.

Pod sanacijom (rehabilitacijom) cesta podrazumijevaju se radovi kojima se poboljšava sigurnost učesnika u saobraćaju i održavanje projektovanog stanja cesta.

Poslovi građenja i rekonstrukcije javnih cesta obuhvaćaju: građevinsko i drugo projektovanje s istražnim radovima, projektovanje opreme, pratećih objekata, saobraćajne signalizacije i drugo projektovanje, stručnu ocjenu studija i projekata, otkup zemljišta i objekata, premještanje komunalne i druge infrastrukture, pribavljanje urbanističke saglasnosti i odobrenja za građenje mjerodavnog tijela, ustupanje radova građenja, organizaciju stručnog nadzora i kontrole ugrađenih materijala i izvedenih radova, organizaciju tehničkog pregleda i primopredaje javne ceste te dijelova javne ceste i objekata na korištenje i održavanje.

Član 9.

Minimalna širina kolovoza novoprojektovanih cesta je 4,50 m (četiri i po metra) za dvosmjerni saobraćaj i 3m (tri metra) za jednosmjerni saobraćaj. Lokalne ceste moraju biti projektovane sa konstrukcijom koja podnosi osovinsko opterećenje od najmanje 10 tona, dok nerazvrstane ceste moraju biti projektovane sa konstrukcijom koja podnosi osovinsko opterećenje od najmanje 6 tona, što se obilježava saobraćajnim znakom.

Član 10.

Kod izgradnje novih i rekonstrukcije postojećih cesta potrebno je predvidjeti trotoar minimalne širine 1 metar (jedan metar), u izuzetnim situacijama ne ispod 0,8 metara.

Član 11.

Iznad cijele širine kolovoza ceste mora biti slobodan prostor od najmanje 7,0 metara (sedam metara).

Član 12.

Ako je prilikom izgradnje ceste planirana i izgradnja komunalnih, vodoprivrednih i drugih objekata, tehnička dokumentacija mora obuhvatiti i te objekte i radove koji se planiraju izvesti.

Troškove izrade tehničke dokumentacije i izgradnje objekata iz stava 1. ovog člana snosi investitor planiranih objekata i radova.

Član 13.

U slučaju rekonstrukcije ceste i vršenja radova koja iziskuju premještanje postojećih instalacija u cestovnom pojasu, vlasnici tih instalacija su dužni o svom trošku izmjestiti te instalacije odnosno prilagoditi ih nastalim promjenama.

Investitor radova na rekonstrukciji ceste dužan je najmanje tri mjeseca ranije obavijestiti vlasnika instalacija o početku radova na rekonstrukciji ceste i omogućiti mu uvid u tehničku dokumentaciju, ali nije obavezan pribavljati saglasnost vlasnika postojećih instalacija.

U slučaju da vlasnik instalacija ne izvrši obavezu iz prethodnog stava, investitor radova na rekonstrukciji lokalne ili nerazvrstane ceste će izvršiti premještanje postojećih instalacija na teret vlasnika instalacija.

Član 14.

Na mjestu ukrštanja ceste sa željezničkom prugom moraju se preduzeti mjere osiguranja propisane Zakonom o osnovama sigurnosti saobraćaja na cestama u Bosni i Hercegovini („Službeni glasnik BiH”, broj: 6/06, 75/06, 44/07, 84/09, 48/10, 18/13, 8/17, 89/17 i 9/18) i Zakonom o željeznicama FBiH (Službene novine Federacije BiH“ broj: 47/01 i 25/12).

IV - ODRŽAVANJE

Član 15.

Održavanje cesta, u smislu ove Odluke, obuhvata izvođenje radova kojima se osigurava nesmetan i siguran saobraćaj i očuvanje projektovanog stanja ceste.

Radovi na održavanju cesta mogu biti redovni i vanredni.

Redovno održavanje može biti ljetno i zimsko.

Član 16.

Radovi redovnog održavanja su:

- popravka kolovoza, trupa ceste, potpornih i obloženih zidova,
- uklanjanje odronjenog materijala i čišćenje kolovoza i objekata za odvodnju,
- održavanje bankina, nasipa, usjeka i zasjeka,
- održavanje objekata na cestama,
- izgradnja i postavljanje horizontalne i vertikalne signalizacije, svjetlosno-sigurnosnih uređaja, zamjena, popravka i uklanjanje oštećene i nepotrebne saobraćajne signalizacije i opreme ceste,
- košenje trave i održavanje zelenih površina i zasada u cestovnom pojasu,
- održavanje potrebne preglednosti cesta i oznaka u cestovnom pojasu,
- čišćenje snijega i leda sa kolovoza i posipanje kolnika s ciljem sprečavanja poledice,
- manji zahvati na obnavljanju, zamjeni i ojačanju dotrajalih kolovoza,
- manji zahvati na ojačanju i zamjeni propusta, potpornih i obloženih zidova i zaštita čeličnih konstrukcija od korozije,
- manji zahvati na ugrađivanju ivičnjaka i izradi pješačkih staza,
- manji zahvati na saniranju klizišta i odrona,
- vođenje podataka o javnim cestama, obavljanje i drugih poslova kojima se osigurava stalan, nesmetan i siguran saobraćaj na cestama.

Član 17.

Radovi vanrednog održavanja javnih cesta su obimniji i isti obuhvataju:

- obnavljanje, zamjenu i ojačanje dotrajalih kolovoza,

- ojačanje i zamjenu propusta i mostova dužine do deset metara, obnovu potpornih i obloženih zidova i zaštitu čeličnih konstrukcija od korozije,
- ugrađivanje ivičnjaka i izradu pješačkih staza,
- saniranje klizišta i odrona.

Radovi vanrednog održavanja su radovi koji se izvode u cestovnom pojasu, mogu se izvoditi samo na osnovu tehničke dokumentacije, bez pribavljanja saglasnosti.

Član 18.

Poslovi održavanja javnih cesta u smislu ove Odluke su i:

- planiranje održavanja i mjere zaštite javnih cesta i saobraćaja na njima,
- ustupanje radova redovnog i vanrednog održavanja javnih cesta,
- stručni nadzor i kontrola kvaliteta ugrađenih materijala i izvedenih radova održavanja javnih cesta,
- osiguranje uklanjanja oštećenih i napuštenih vozila i drugih stvari i predmeta sa javne ceste,
- ophodnja (obilaženje, izviđanje, patrola) cesta.

Član 19.

Radovi na održavanju cesta se trebaju izvoditi tako da se zbog njih ne obustavlja saobraćaj.

U slučaju potrebe obustavljanja saobraćaja zbog izvođenja radova, upravitelj ceste će na osnovu zahtjeva izvođača radova ocijeniti opravdanost zahtjeva i izdati odobrenje za obustavljanje saobraćaja i/ili izmjenu režima saobraćaja.

Upravitelj ceste je dužan obavijestiti korisnike ceste putem sredstava javnog informisanja o obustavi saobraćaja, o preusmjeravanju saobraćaja za vrijeme obustave i to u roku od najmanje 48 sati prije početka obustave saobraćaja.

U izdatom odobrenju izvođaču se nalaže da postavi dopunsku saobraćajnu signalizaciju i poduzme ostale radnje za sigurno odvijanje saobraćaja, te nakon završetka radova ukloni dopunsku saobraćajnu signalizaciju i cestu dovede u stanje za neometano odvijanje saobraćaja. Ukoliko se radovi izvode na dionici ceste gdje nije moguće izmjestiti saobraćaj, upravitelj cesta može zahtijevati da se radovi izvode noću.

Član 20.

U slučaju prekida ili ugrožavanja saobraćaja na javnoj cesti zbog nanosa, odrona ili klizanja terena, kao i u slučaju oštećenja kolovoza koja u većoj mjeri ugrožavaju sigurnost saobraćaja, nadležna Služba koja upravlja cestama, odmah po saznanju, mora preduzeti mjere na otklanjanju smetnji i uspostavljanju sigurnog saobraćaja.

Član 21.

Upravitelj ceste direktno ne izvodi radove gradnje, rekonstrukcije i održavanja javnih cesta.

Izvođenje radova gradnje, rekonstrukcije i održavanja javnih cesta upravitelj cesta ustupa pravnom licu po postupku i na način utvrđen Zakonom o javnim nabavkama i Zakona o komunalnim djelatnostima Zeničko-dobojskog kantona.

Član 22.

Izvođenje radova na izgradnji i rekonstrukciji javnih cesta smije se ustupiti samo izvođaču koji je registriran, specijaliziran i opremljen za te poslove i koji raspolaže osposobljenim kadrovima za izvođenje tih radova.

Održavanja javnih cesta upravitelj cesta ustupa izvođaču radova u skladu sa članom 9. Zakona o komunalnim djelatnostima Zeničko-dobojskog kantona.

Izabrano pravno lice, održavanje cesta provodi u skladu sa ugovorom kojim se regulišu uslovi i način izvršavanja radova, održavanja i zaštite cesta.

Općinski načelnik putem nadležne službe za upravljanje cestama usmjerava i prati realizaciju zaštite i održavanja javnih cesta.

Ugovorom o održavanju javnih cesta preciziraju se vrste radova koji su predmet ugovaranja, vrijeme na koje se ugovor zaključuje, ugovorena vrijednost radova, predmjer i predračun radova, uslovi i način izvođenja radova, tehnički i stručni nadzor prilikom izvođenja radova, način obračuna, rokovi plaćanja, odgovornost za štete i druge odgovornosti i način rješavanja sporova.

Pravno lice kojem su povjereni poslovi održavanja javnih cesta, odgovorno je za njihovo pravovremeno i stručno izvršenje.

Održavanje revizionih okana komunalnih instalacija i uređaja ugrađenih u cestovnom pojasu cesta, dužan je vršiti vlasnik tih instalacija i uređaja.

V – ZAŠTITA I KORIŠTENJE

Član 23.

Pod zaštitom cesta u smislu ove Odluke podrazumijeva se:

- zaštita cesta od prekomjernog opterećenja,
- zaštita cesta od prekoračenja ukupne mase i osovinskog opterećenja,
- zaštita od gradnje objekata u cestovnom pojasu cesta,
- reguliranje gradnje prilaznih cesta, autobusnih stajališta, parkinga i benzinskih pumpi,
- osiguranja preglednosti na raskrsnicama i u krivinama,
- zaštita od nekontroliranog izlaska većeg broja na cestu ljudi, djece, te stoke i divljači,
- sprječavanje vršenja radnji na cesti i u cestovnom pojasu kojima bi se mogla oštetiti cesta, odnosno ugrožavati promet ili povećati troškovi održavanja ceste,
- reguliranje odnosa sa susjedima uz cestu,
- reguliranje postavljanja kablova, vodova i instalacija u trupu ceste, u cestovnom i zaštitnom pojasu,
- sprječavanje deponiranja materijala na cesti i uz cestu,
- uklanjanje zaustavljenih, pokvarenih, napuštenih i oštećenih vozila s ceste i iz cestovnog pojasa,
- reguliranje ograničenja i zabrana saobraćaja,
- reguliranje postavljanja i dopune saobraćajne i turističke signalizacije,
- reguliranje postavljanja reklamnih znakova,
- evidencija cesta, cestovnog pojasa, prometne signalizacije i opreme na cestama,
- ovlasti upravitelja cesta u vezi sa zaštitom cesta,
- obveza ugovaranja održavanja i zaštite cesta.
- kontrola gradnje ograda i vršenja drugih radova u cestovnom pojasu i poduzimanje mjera u cilju sprječavanja vršenja bespravnih radova u cestovnom pojasu.

Član 24.

Vozila sa gusjenicama, kao i druga vozila koja mogu oštetiti kolovoz mogu se kretati na lokalnim i nekategorisanim cestama i ulicama u naselju sa asfaltnim i betonskim kolovozima, samo ako su opremljeni sa odgovarajućim zaštitnim oblogama na gusjenicama.

Član 25.

Vozila na cestama moraju udovoljavati propisanim uvjetima za pojedine vrste vozila u pogledu dimenzija, ukupne mase i osovinskog opterećenja.

Član 26.

Prekomjerno opterećenje ceste podrazumijeva njenu upotrebu iznad vrijednosti saobraćajnog opterećenja za koju je cesta projektovana, odnosno, građena nastalu zbog obavljanja djelatnosti pravnih ili fizičkih lica.

Pod povećanjem saobraćajnog opterećenja iz stava 1. ovog člana u smislu prekomjerne upotrebe, smatra se učestalo saobraćanje istih vozila sa teretom po istim dionicama ceste.

Pod djelatnostima iz stava 1. ovog člana kod kojih može doći do prekomjernog opterećenja ceste smatra se: izgradnja infrastrukturnih i drugih objekata, proizvodnja odnosno eksploatacija energetske mineralnih sirovina ili drugih prirodnih materijala, preusmjeravanje saobraćaja na duže od 10 dana na cestu.

Ako se cesta koristi na način da dolazi do prekomjernog saobraćajnog opterećenja pravna ili fizička lica koja je na taj način koriste su dužna podnijeti zahtjev za izdavanje odobrenja za prekomjernu upotrebu ceste, te platiti naknadu za prekomjerno opterećenje.

Zahtjev za izdavanje odobrenja sadrži:

- opis djelatnosti korisnika,
- podatke o planiranoj količini tereta koji će prevoziti cestom (izraženo u m³),
- kartu cestovne mreže sa ucrtanom trasom ceste (itinerer),
- rješenje nadležnog organa kojim je odobreno obavljanje navedene djelatnosti.

Naknada za prekomjerno opterećenje ceste obračunava se na osnovu elaborata ili projekta prekomjernog oštećenja kojim se procjenjuju oštećenja na cesti zbog prekomjernog opterećenja.

Član 27.

Zaštitni pojas uz ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite ceste i sigurnosti saobraćaja na njoj od štetnih uticaja i različitih aktivnosti u prostoru pored ceste.

Zaštitni pojas u smislu stava 1. ovog člana mjeri se od vanjskog ruba cestovnog pojasa, te je u pravilu širok sa obje strane za lokalne ceste 5m (pet metara) i za nerazvrstane ceste 1m (jedan metar).

U zaštitnom cestovnom pojasu ne mogu se graditi objekti kao što su stambene, poslovne, pomoćne i slične zgrade, bunari, rezervoari, septičke jame i slično, osim u slučaju gusto izgrađenih područja na kojima je već uspostavljen ulični niz (građevinska linija u odnosu na ulicu).

U zaštitnom cestovnom pojasu mogu se graditi objekti cestovne i saobraćajne infrastrukture, kao i objekti ostalih infrastrukturnih instalacija/elektroinstalacije, kanalizacione, vodovodne, plinske, toplovodne instalacije i slično, koje uvjete izgradnje objekata i instalacije na cesti i/ili u zaštitnom cestovnom pojasu utvrđuje upravitelj ceste izdavanjem saglasnosti.

Saglasnost iz stava 4. ovog člana pribavlja Općinska služba nadležna za poslove prostornog uređenja, kao i prethodno pitanje, u postupku izdavanja urbanističke saglasnosti za građenje objekata i instalacija na cesti ili unutar cestovnog i zaštitnog pojasa. Za izgradnju objekta, komunalne infrastrukture i instalacija unutar ceste ili zaštitnog pojasa cesta za koje nije potrebno odobrenje za građenje, a potrebna je urbanistička saglasnost, investitor je obavezan pribaviti saglasnost upravitelja ceste.

Član 28.

Pravna i fizička lica u cilju obavljanja svoje djelatnosti mogu graditi elektronske, telefonske i komunalne objekte i instalacije u cestovnom pojasu cesta u skladu sa Zakonom o cestama FBiH i u skladu sa ovom Odlukom.

Član 29.

Pod priključkom i prilazom na cestu u smislu ove Odluke smatra se spoj ceste i druge uređene površine sa koje se vozila i drugi učesnici u saobraćaju direktno uključuju u saobraćaj ili isključuju iz saobraćaja.

Spoj na javnu cestu može se izgraditi na onim lokacijama, gdje je osigurana dovoljna preglednost. Zabranjeno je graditi spoj na cestu u usjecima ili u neposrednoj blizini tunela i dužih mostova, na lokaciji gdje je predviđena izgradnja sadržaja u funkciji ceste, u blizini zona izgrađenih raskrsnica i priključaka na javnu cestu, na raskrsnicama u vidu kružnih tokova i petlji.

Za svaki spoj na javnu cestu, koji se želi izgraditi, mora se izraditi odgovarajuća projektna dokumentacija na nivou glavnog projekta.

Izgradnjom spoja na javnu cestu ne smije se narušiti stabilnost javne ceste, ugroziti sigurnost odvijanja saobraćaja na javnoj cesti, niti negativno uticati na ekološko stanje područja. Spoj na javnu cestu mora biti izgrađen na način da se ne naruši postojeći režim odvodnje površinskih, procjednih i podzemnih voda na javnoj cesti.

Spoj na cestu se može izvesti samo na osnovu odobrenja upravitelja ceste. Troškove izgradnje spoja na cestu u skladu odobrenim projektom i izdatim odobrenjem snosi investitor.

Odobrenje za gradnju spoja investitoru se može izdati samo ukoliko su ispunjeni uvjeti za gradnju spoja propisani ovom Odlukom.

Održavanje izgrađenog spoja je obaveza korisnika, a održavanje se mora obavljati u skladu sa uputama stručnog lica Upravitelja ceste.

Član 30.

U blizini raskršća dviju cesta u nivou ili križanje ceste sa željezničkom prugom u istom nivou, ili na unutrašnjim stranama cestovnog zavoja ne smije se saditi drveće ili grmlje, postavljati naprave, ograde, reklamni znakovi ili drugi predmeti koji onemogućavaju preglednost na cesti, odnosno željezničkoj pruzi (trokut preglednosti).

Dužina stranica trokuta preglednosti utvrđuje se tehničkom dokumentacijom ceste, odnosno željezničke pruge.

Ograde i zasadi pored puta podižu se tako da ne ometaju preglednost ceste i ne ugrožavaju bezbjednost saobraćaja.

Vlasnici ili korisnici parcela koje se graniče sa cestama dužni su da uredno održavaju zaštitni pojas ceste, da sijeku rastinje, čiste odvodne kanale.

Živa ograda se sasijeca na visini od 90 cm. Visoka stabla i rastinje se moraju potkresati na visini do 7m (sedam metara). Naročito se zabranjuje zatvaranje bodljikavom žicom ograda koje su orijentisane prema putnoj strani, prevashodno u naseljenim područjima.

Vlasnici, odnosno korisnici ili posjednici zemljišta dužni su na zahtjev upravitelja ceste, ukloniti drveće, grmlje, naprave, ograde, reklamne znakove i druge predmete radi osiguranja preglednosti na cesti.

Ako vlasnik, odnosno korisnik ili posjednik zemljišta ne postupi u skladu sa odredbom prethodnog stava ovog člana, upravitelj ceste putem izvođača radova koji održava cestu osigurati će izvođenje tih radova na teret vlasnika, korisnika ili posjednika zemljišta.

Član 31.

Ako se pored ceste nalaze objekti gdje se okuplja veći broj ljudi (sportska, dječija igrališta i sl.) ili zemljište na kojem se zadržavaju životinje, vlasnik, odnosno korisnik tog zemljišta dužan je taj objekat i zemljište zaštitnom ogradom odvojiti od cestovnog pojasa.

Član 32.

Zabranjeno je poduzimati bilo kakve radove ili radnje na cestama i cestovnom pojasu, ako bi ti radovi odnosno radnje mogli oštetiti ceste, povećati troškove održavanja, odnosno ugrožavati ili ometati saobraćaj na njoj, a naročito:

- ostavljati pokvarena, oštećena i neispravna vozila, deponiranje materijala na ili uz cestu,
- iscrtavati ili brisati horizontalnu saobraćajnu signalizaciju, vršiti oštećenja,
- premješati, zaklanjati ili otuđivati vertikalnu saobraćajnu signalizaciju i cestovnu opremu,
- dovoditi vodu na cestu i odvodna tijela ceste, ometati otjecanje vode sa ceste i odvodna tijela ceste,
- iznositi blato na cestu ili na drugi način prljati cestu,
- po cesti vući balvane i druge predmete čime bi se cesta mogla oštetiti,
- prosipati po cesti maziva ili druge masne materije,
- ostavljati, bacati materijal ili predmete na cestu i u odvodna tijela ceste ili ga deponirati uz cestu,
- napasati životinje u cestovnom pojasu,
- postavljati reklamne znakove uz cestu bez saglasnosti upravitelja,
- oštećivati zaštitne i druge ograde pored ceste,
- prevoziti teret u rastresitom stanju ako nisu poduzete mjere da se teret ne rasipa po cesti,
- paliti travu, korov, građu i drugi materijal u zaštitnom pojasu ceste,
- vršiti bilo kakve radove na kosinama nasipa, zasjeka i usjeka,
- vršiti uzurpaciju cestovnog zemljišta, privođenja istog drugoj namjeni (poljoprivrednoj površini, okućnici i slično).

Član 33.

Vlasnici zemljišta uz cestovni pojas moraju dopustiti jednostavan odvod vode i odlaganje snijega na njihovo zemljište, ako im se time ne nanosi šteta.

Vlasnici zemljišta uz cestovni pojas moraju, u skladu sa ovom Odlukom i uz odštetu, dopustiti pristup do cestovnih objekata radi njihovog održavanja, gradnje odvodnih jaraka i drugih uređaja za odvod vode od cestovnog pojasa do recipijenta, te postavljanje privremenih ili stalnih uređaja i uređenja za zaštitu ceste i saobraćaja na njoj od leda, snijega, buke, štetnih svjetlosnih uticaja i slično, ako ih nije moguće postaviti na zemljište koje je sastavni dio ceste.

Član 34.

Vlasnici zemljišta uz cestovni pojas su dužni:

- održavati živice,
- uklanjati drveće ili dijelove krošnje drveta koje otežavaju saobraćaj ili onemogućavaju zračenje i sušenje cesta,
- ugraditi betonske cijevi odgovarajućih profila na pristupnim prijelazima preko kanala u nivou sa cestama.

Član 35.

Ako se cesta nalazi u takvom stanju da se na njoj uopće ne može odvijati saobraćaj ili samo za pojedine vrste vozila ili ako bi saobraćaj pojedinih vrsta vozila nanosio štetu cesti, ili ako se radovi na rekonstrukciji ili održavanju ceste ne mogu izvesti bez obustavljanja ili ograničenja saobraćaja, ili ako drugi razlozi sigurnosti saobraćaja to zahtijevaju, upravitelj cesta može zabraniti ili ograničiti saobraćaj na toj cesti za pojedine vrste vozila na cijeloj cesti ili samo na pojedinim njenim dijelovima.

Opća zabrana ili ograničenje saobraćaja na cesti može biti samo privremeno, a zabrana ili ograničenje saobraćaja za pojedine vrste vozila može biti privremeno ili stalno. Zabrana ili ograničenje saobraćaja mora se pravovremeno objaviti putem sredstava javnog

informisanja, ili na drugi pogodan način i označiti odgovarajućim saobraćajnim znakovima na cesti.

Upravitelj cesta dužan je pravovremeno obavijesiti nadležno ministarstvo unutrašnjih poslova o svim promjenama stanja na cestama koje bitno utiču na prohodnost cesta i sigurnost saobraćaja, kao i o poduzetim mjerama za nesmetano odvijanje saobraćaja.

Član 36.

Saobraćajna signalizacija, vertikalna i horizontalna, turistička signalizacija, te drugi saobraćajni objekti postavljaju se na cesti na osnovu saobraćajnog projekta ili elaborata.

Postavljanje istih može se izvršiti samo na osnovu odobrenja izdatog od strane upravitelja cesta.

Postavljanje saobraćajne i turističke signalizacije na cesti ustupa se ovlaštenom pravnom licu na način i u skladu sa postupkom propisanim Zakonom o javnim nabavkama BiH.

Član 37.

Za svaki zahvat na cesti, pri izvođenju radova održavanja ili drugih radova pod saobraćajem moraju se postaviti odgovarajući privremeni saobraćajni znakovi, odnosno provesti tehnička regulacija saobraćaja na način da se garantira sigurnost saobraćaja i izvođača radova uz najmanje ometanje saobraćajnih tokova.

Tehničkom regulacijom iz stava 1. ovog člana mora se osigurati pravovremena uočljivost zapreka i drugih barijera na cesti danju u vrijeme nedovoljne vidljivosti i noću, postavljanjem odgovarajućih treptavih narančastih svjetala ili drugih adekvatnih tehničkih pomagala. Odmah po završetku radova na cesti sva privremena saobraćajna signalizacija i oprema mora biti uklonjena.

Član 38.

Reklamni znakovi se mogu postavljati u zaštitnom pojasu lokalne ceste i to na udaljenosti od 3m (tri metra) od krajnje tačke poprečnog profila, dok se za nerazvrstane ceste postavljaju izvan zaštitnog pojasa ceste odnosno na udaljenosti od najmanje 2m (dva metra) od krajnje tačke poprečnog profila.

Reklamni znakovi se ne smiju postavljati: na raskrsnicama, unutrašnjim stranama oštih krivina, cestovnim objektima (portal tunela i unutar istog, mostovi, nadvožnjaci i sl.), na mjestima ukrštanja javnih cesta sa željezničkom prugom, s drugim saobraćajnim znakovima zajedno, niti se smiju postavljati na udaljenosti manjoj od 30m od saobraćajnih znakova.

Postavljanje reklamnih znakova u zaštitnom pojasu javnih cesta može se izvršiti nakon što korisnik dobije odobrenje Upravitelja ceste, te dostavi urbanističku saglasnost ili odobrenje za građenje, dokaz o rješanim imovinsko - pravnim odnosima i tehničku dokumentaciju.

Za reklamne znakove čija je površina manja od 2,0 m² (dva metra-kvadratna) nije potrebna urbanistička saglasnost, ali je potrebno osigurati odobrenje Upravitelja ceste.

Za postavljanje reklamnih znakova čija je površina iznad 12m² korisnik je dužan pribaviti odobrenje za građenje od nadležnog organa za poslove prostornog planiranja i građenja.

Korisnik je obavezan prije postavljanja reklamnog znaka platiti naknadu utvrđenu rješenjem Upravitelja ceste.

Korisnik je dužan postavljene znakove, i nosače na kojim su postavljeni redovno i uredno održavati, a po isteku roka navedenog u rješenju ukloniti ih o svom trošku ili podnijeti zahtjev za produženje korištenja.

Ako je reklamni znak postavljen suprotno odobrenju, Upravitelj ceste će protiv istih podnijeti prijavu nadležnom inspekcijskom tijelu.

Član 39.

Upravitelj cesta za ceste kojima upravlja dužan je voditi evidenciju tih cesta, cestovnog pojasa, saobraćajne signalizacije i opreme na njima.

Član 40.

Upravitelj cesta u okviru vršenja javnih ovlaštenja pokreće upravni postupak po službenoj dužnosti ili po zahtjevu stranke i donosi rješenje kada izdaje:

- odobrenje za izgradnju priključka na cestu,
- odobrenje za prekopavanje u cestovnom pojasu,
- odobrenje za privremenu izmjenu režima saobraćaja,
- odobrenje za postavljanje reklamnih znakova
- odobrenje za postavljanje objekata i instalacija,
- odobrenje za korištenje cestovnog zemljišta,
- odobrenje za prekomjernu upotrebu cesta.

VI – FINANSIRANJE

Član 41.

Finansijska sredstva za održavanje, zaštitu, obnovu, rekonstrukciju i izgradnju cesta osiguravaju se:

1. iz javnih prihoda, i to:

- a. naknada za izgradnju priključka na cestu,
- b. naknada za prekopavanje u cestovnom pojasu,
- c. naknada za prekomjernu upotrebu ceste,
- d. naknada za korištenje cestovnog zemljišta,
- e. naknada za postavljanje reklamnih znakova,
- f. naknada za privremenu izmjenu režima saobraćaja,
- g. naknada za postavljanje objekata i instalacija,

2. iz Budžeta Općine Breza (kapitalne investicije i održavanje cesta),

3. donacijama/grantovima viših nivoa vlasti,

4. kreditima.

VII – INSPEKCIJSKI NADZOR

Član 42.

Poslove inspekcijskog nadzora nad provođenjem ove Odluke vrši općinska služba za inspekcijske poslove u skladu sa Zakonom o cestama FBiH i ovom Odlukom.

Član 43.

Pravna i fizička lica kod kojih se vrši inspekcijski nadzor dužna su omogućiti rad inspektorima, pružiti potrebnu pomoć i na njegovo traženje u određenom roku dostaviti podatke i dokumentaciju za vršenje inspekcijskog nadzora u smislu Zakona o cestama FBiH i ove Odluke.

VIII – KAZNENE ODREDBE

Član 44.

Novčanom kaznom od 500,00-5.000,00 KM kaznit će se pravno lice, a u iznosu od 300,00-1.000,00 KM odgovorno lice u pravnom licu za prekršaje u sljedećim slučajevima:

1. Ako saobraća na lokalnim i nekategorisanim cestama i ulicama u naselju na asfaltnim i betonskim kolovozima vozilima bez pumpanih guma ili vozilima sa gusjenicama bez propisanih obloga (član 24.),
2. Ako vrše vanredni prijevoz bez rješenja o dozvoli za vanredni prijevoz (član 26.),
3. Ako u putnom pojasu gradi objekte za koje nema saglasnost upravitelja (člana 27.),
4. Ako postupaju suprotno članu 30. ove Odluke,
5. Ako preduzima radnje i radove suprotno članu 31. i 32. ove Odluke;
6. Ako postavlja natpise i reklamne panoe pored ceste suprotno odobrenju nadležnog organa (član 38.),
7. Ako ne postupa po nalogu iz rješenja inspektora.

Za prekršaje iz stava 1. ovog člana kaznit će se i fizičko lice novčanom kaznom u iznosu od 300,00 do 1.000,00 KM.

IX – ZAVRŠNE ODREDBE

Član 45.

Za sve što nije regulisano ovom Odlukom, primjenjivat će se Zakon o cestama FBiH („Službene novine F BiH“, broj: 12/10, 16/10 i 66/13) i Pravilnik o održavanju javnih cesta („Službene novine FBiH“, broj: 57/15).

Član 46.

Općinsko vijeće će u roku 3 mjeseca od dana stupanja na snagu ove Odluke, donijeti Odluku o visini naknade za korištenje cestovnog zemljišta.

Član 47.

Sredstva ostvarena po osnovu primjene ove Odluke prihod su Općine Breza.

Član 48.

Ova Odluka stupa na snagu osam dana od dana objavljivanja u „Službenom glasniku Općine Breza“.

Broj: 01/1-02-1382/21
Breza, 27.05.2021. godina

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

U skladu sa odredbama članova 29., 72. i 112. stav 2. Zakona o socijalnoj zaštiti, zaštiti civilnih žrtava rata i zaštiti porodica sa djecom („Službene novine Zeničko-dobojskog kantona“, broj:13/07, 11/13, 03/15 i 02/16) a na osnovu člana 19. tačka 2. Statuta Općine Breza („Službeni glasnik Općine Breza“, broj: 08/09-prečišćeni tekst), Općinsko vijeće Breza na sedmoj redovnoj sjednici održanoj dana 27.05.2021.godine donosi

O D L U K U

o izmjenama i dopunama Odluke o kriterijima i postupku ostvarivanja prava iz oblasti socijalne zaštite porodice sa djecom, podsticanja nataliteta i prava na novčanu i drugu materijalnu pomoć pod povoljnijim uslovima na području Općine Breza

Član 1.

U Odluci o kriterijima i postupku ostvarivanja prava iz oblasti socijalne zaštite porodice sa djecom i podsticanja nataliteta i prava na novčanu i drugu materijalnu pomoć pod povoljnijim uslovima na području Općine Breza („Službeni glasnik Općine Breza“ broj: 05/17, 7/18 i 02/20) (u daljem tekstu: Odluka), u članu 2., iza tačke d) dodaju se nove tačke: e), f) i g) koje glase:

e) Jednokratna novčana pomoć za djecu oboljelu od dijabetesa tip-1,

f) Jednokratna novčana pomoć za djecu sa poteškoćama u razvoju,

g) Novčana pomoć srodniku za troškove ukopa: dženaze-sahrane korisnika

stalne novčane pomoći.“

Član 2.

Član 4. Stav 2) Odluke mijenja se i glasi:

„(2) Pravo na jednokratnu pomoć iz stava (1) ostvaruje se u sljedećim iznosima:

a)	Za prvo i drugo novorođeno dijete	150,00 KM
b)	Za treće novorođeno dijete	300,00 KM
c)	Za četvrto novorođeno dijete	450,00 KM
d)	Za peto novorođeno dijete	600,00 KM
e)	Za šesto i svako naredno novorođeno dijete	750,00 KM
f)	Za rođenje blizanaca	450,00 KM“

Član 3.

U članu 4. dodaje se novi stav, stav 3) koji glasi:

„(3) Za ostvarivanje prava iz člana 4. ove Odluke stranka podnosi zahtjev u roku od 6 mjeseci od dana porođaja.“

Član 4.

Član 7. stav 1) Odluke mjenja se i glasi:

„1) Pravo na refundaciju dijela troškova prevoza djece ometene u psiho-fizičkom razvoju sa područja općine Breza u odgojno-brazovne Ustanove sa kojima općina Breza nema potpisan Ugovor o saradnji imaju porodice koje imaju djecu ometenu u fizičkom ili psihičkom razvoju, *bez obzira na mjesečna primanja*, uz predočenje odgovarajućih dokumenata kojima se dokazuje ispunjavanje uslova iz ove Odluke.“

Član 5.

Iza člana 7. dodaje se novi član 8. koji glasi:

“Član 8***Jednokratna novčana pomoć za djecu oboljelu od dijabetesa TIP-1***

1) Jednokratna novčana pomoć može se odobriti roditelju ili staratelju djeteta oboljelog od dijabetes TIP 1, dva puta u toku kalendarske godine i onda kada to lice ne ispunjava uslove za priznavanje prava na pomoć u skladu sa članovima 35. i 36. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona” broj: 13/07, 13/11,03/15, 02/16).

2) Jednokratna novčana pomoć iz prethodnog stava može se odobriti u visini do 500,00 KM, (približna vrijednost 4 senzora).“

Član 6.

Iza člana 8. dodaje se novi član 9., koji glasi:

“Član 9.***Jednokratna novčana pomoć za djecu sa poteškoćama u razvoju***

1) Jednokratna novčana pomoć može se odobriti roditelju ili staratelju djeteta, odnosno mladoj osobi, sa poteškoćama u razvoju, dva puta u toku kalendarske godine, do iznosa od 250,00 KM, u svrhu zadovoljavanja osnovnih životnih potreba i podrške pojedincu i porodici u svrhu unapređenja kvalitete života, ukoliko lice ne ostvaruje pravo na novčanu naknadu po osnovu ostvarene invalidnosti (90 ili 100 % invaliditet), odnosno ne koristi prava iz člana 7. i 8. ove Odluke.

2) U lica sa poteškoćama u razvoju ubrajaju se djeca i mladi, ometena u fizičkom ili psihičkom razvoju, a u skladu sa međunarodnom klasifikacijom bolesti, a na osnovu Nalaza i mišljenja Instituta za medicinsko vještačenje zdravstvenog stanja ili na osnovu Nalaza i mišljenja Stručne komisije za razvrstavanje djece i mladih ometenih u psihičkom ili fizičkom razvoju :

- 1) Sa oštećenjem vida
- 2) Sa oštećenjem sluha
- 3) Sa smetnjama u glasu, govoru i jeziku
- 4) Sa tjelesnim oštećenjem
- 5) Sa psihičkom zaostalošću
- 6) Sa kombinovanim smetnjama i
- 7) Sa autizmom“

Član 7.

Iza člana 9. dodaje se novi član 10., koji glasi:

“Član 10.***Novčana pomoć srodniku za troškove ukupa: dženaze-sahrane korisnika stalne novčane pomoći***

1) Novčana pomoć može se odobriti srodniku za troškove ukupa: dženaze-sahrane korisnika stalne novčane pomoći, uz prilaganje računa ukopa i Izvoda iz MKU.

2) Novčana pomoć ne može biti veća od visine prosječno isplaćene neto plaće u

Zeničko-dobojskom kantonu za prethodnu godinu ili ukoliko podnosilac zahtjeva već nije ostvario pravo po ovom osnovu po propisima koji važe za oblast boračko-invalidske zaštite.“

Član 8.

Član 8. postaje član 11., član 9. postaje član 12., član 10. postaje član 13.

Član 9.

(Osiguravanje sredstava za realizaciju Odluke)

(1) Realizacija ove Odluke vrši se na teret sredstava Budžeta Općine Breza, u skladu sa mogućnostima i planiranom visinom sredstava za ove namjene za tekuću godinu.

(2) Materijalne troškove za realizaciju ove Odluke planira Javna ustanova Centar za socijalni rad Breza u okviru finansijskog plana.

Član 10.

Ako je upravni postupak pokrenut prije stupanja na snagu ove Odluke, a do toga dana nije bilo doneseno prvostepeno rješenje, postupak će se nastaviti prema odredbama ove Odluke.

Član 11.

Zadužuje se Komisija za Statut i propise da sačini prečišćeni tekst ove Odluke

Član 12.

(1) Ova Odluka stupa na snagu 8 (osam) dana od dana objavljivanja u „Službenom glasniku Općine Breza“ i čini sastavni dio Odluke o kriterijima i postupku ostvarivanja prava iz oblasti socijalne zaštite.

Broj: 01/1-02-1374/21
Breza, 27.05.2021.godine

PREDSJEDAVAJUĆI
Općinskog Vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 5. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09) i člana 101. stav 3. Statuta Općine Breza („Službeni glasnik Općine Breza“, broj: 8/09-Prečišćeni tekst), Općinsko vijeće Breza na sedmoj redovnoj sjednici održanoj dana 27.05.2021. godine, donosi

O D L U K U **o prihvatanju poklona**

Član 1.

Prihvata se poklon poklonodavca Čorbo Almedina, sina Seada nastanjenog u naselju Potkraj, ulica Jurjevska br. 37. Općina Breza, koji se satoji od 15 (petnaest) komada parkovskih klupa i 15 (petnaest) komada korpi za otpad.

Član 2.

Parkovske klupe i korpe za otpad su postavljene na javnim površinama Općine Breza u skladu sa Urbanističkom saglasnošću, broj: 04/1-5-19-650/21 od 25.03.2021. godine, koja je izdata na osnovu projekata „Postavljanje parkovskih klupa“-šifra projekta GP-03-2021, koji je izradila firma „TERMOBETON“ d.o.o. Breza.

Član 3.

Vrijednost parkovskih klupa i korpi za otpad je 10.000,00 KM (deset hiljada konvertibilnih maraka).

Član 4.

Zadužuje se nadležna služba Općine Breza da poklonjenu opremu uknjiži kao vlastitu imovinu Općine Breza.

Član 5.

Ova odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-1378/21
Breza: 27.05.2021. godine

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09), člana 19. tačka 2. Statuta Općine Breza („Službeni glasnik Općine Breza“, broj: 8/09), Općinsko vijeće Breza na sedmoj redovnoj sjednici održanoj dana 27.05.2021. godine, donosi

O D L U K U**o imenovanju Komisije za realizaciju Strateškog plana razvoja Općine Breza****Član 1.**

Imenuje se Komisija za realizaciju Strateškog plana razvoja Općine Breza u sljedećem sastavu:

1. Tarik Mamela - predsjednik komisije; Služba za privredu,
2. Eldina Dervišević - zamjenik predsjednika; Služba za privredu,
3. Anel Rihčić - član; predstavnik iz reda vijećnika,
4. Minela Frljak – član; predstavnik iz reda vijećnika,
5. Goran Grgić - član; predstavnik iz reda vijećnika,
6. Sead Kovačević - član; predstavnik privatnog sektora,
7. Nadija Bulbulušić-član; predstavnik nevladinog sektora,
8. Adnan Avdukić - član; predstavnik lokalne zajednice,
9. Haris Nefić – član; predstavnik lokalne zajednice.

Komisija se imenuje na period od 12. mjeseci.

Član 2.

Komisija iz člana 1. ove Odluke:

- Razmatra nacrt/prijedlog strategije razvoja jedinice lokalne samouprave, uključujući i proces revizije strategije, i dostavlja Općinskom vijeću mišljenje o dokumentu strategije;
- Razmatra nacrt/prijedlog drugih razvojnih dokumenata (strategija, planova, politika od značaja za razvoj jedinice lokalne samouprave) i dostavlja Općinskom vijeću mišljenje o njihovoj usklađenosti sa strategijom razvoja;
- Razmatra prijedlog Plana implementacije Strategije (1+2) i dostavlja Općinskom vijeću mišljenje o planu;
- Razmatra izvještaje o realizaciji strategije razvoja i drugih razvojnih dokumenata i dostavlja Općinskom vijeću mišljenje o izvještajima;
- Može da pokrene inicijativu za izradu i revidiranje Strategije razvoja i drugih razvojnih dokumenata sa odgovarajućim Planom implementacije;
- Može da pokrene inicijativu za zakazivanje tematske sjednice Općinskom vijeću posvećene razvoju općine.
- Vrš i druge poslove koji proizilaze iz Strategije integriranog lokalnog razvoja Općine Breza.

Član 3.

Stručno-operativne i tehničke poslove za potrebe rada Komisije obavlja Služba za privredu sa Odjelom za lokalni razvoj općine Breza.

Član 4.

Stupanjem na snagu ove Odluke stavlja se van snage Odluka o imenovanju Komisije za realizaciju Strateškog plana razvoja Općine Breza („Službeni glasnik Općine Breza“, broj 7/19).

Član 5.

Ova Odluka stupa na snagu 8 (osam) osmog dana od dana objavljivanja u „Službenom glasniku Općine Breza“.

Broj: 01/1-02-1261/21
Breza, 27.05.2021. godine

PREDSJEDAVAJUĆI
Općinskog vijeća
Anel Rihić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1375/21
Breza, 27.05.2021.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – prečišćeni tekst) prilikom razmatranja Programa izgradnje spomen obilježja na području Općine Breza, za 2021/2022.godine, Općinsko vijeće Breza na sedmoj redovnoj sjednici održanoj dana 27.05.2021. godine, donosi

Z A K L J U Č A K**I**

USVAJA SE Program izgradnje spomen obilježja na području Općine Breza, za 2021/2022.godine, broj: 01/2-12-04-1341/21 od 18.05.2021.godine.

II

Zaključak objaviti u „Službenom glasniku Općine Breza“.

Dostavljeno:
1x Služba za privredu,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1339/21
Breza, 27.05.2021.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – prečišćeni tekst) prilikom razmatranja Izvještaja o radu sanitarno-komunalnog inspektora Općine Breza za 2020.godinu, Općinsko vijeće Breza na sedmoj redovnoj sjednici održanoj dana 27.05.2021. godine, donosi

Z A K L J U Č A K**I**

Izvještaj o radu sanitarno-komunalnog inspektora Općine Breza za 2020.godinu, nije usvojen.

II

Zaključak objaviti u „Službenom glasniku Općine Breza“.

Dostavljeno:
1x Sanitarno-komunalni inspektor,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1384/21
Breza, 27.05.2021.godine

Na osnovu člana 115. Statuta Općine Breza (Službeni glasnik Općine Breza, broj 8/09 – prečišćeni tekst), prilikom razmatranja Zaključka o davanju podrške Frljak Vasviji, na prijedlog Općinskog načelnika, Općinsko vijeće Breza na sedmoj redovnoj sjednici održanoj dana 27.05.2021.godine, donosi:

ZAKLJUČAK

I

Općinski načelnik i Općinsko vijeće izražavaju punu podršku u cilju pomoći u rješavanju statusa Frljak Vasvije.

II

Općinski načelnik i Općinsko vijeće će tražiti informaciju i mišljenje Centra za socijalni rad o stanju i prijedlogu pomoći Frljak Vasviji, a nakon što ista zaključi trenutno liječenje.

III

Ukoliko Centar za socijalni rad predloži Općinskom vijeću i Općinskom načelniku prijedlog za finansijsku pomoć, Općina Breza će obezbjediti sredstva u cilju sanacije štete nastale na stambenom objektu Frljak Vasvije usljed požara.

IV

Za realizaciju se zadužuju Centar za socijalni rad, Općinski načelnik, Služba za finansije, inspeksijske poslove i opću upravu i Služba civilne zaštite.

V

Zaključak objaviti u „Službenom glasniku Općine Breza“.

Dostavljeno:
1x Općinski načelnik,
1x Centar za socijalni rad Breza,
1x Služba za finansije, inspeksijske poslove i
opću upravu,
1x Služba civilne zaštite,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1365/21
Breza, 27.05.2021.god.

Na osnovu člana 115. Statuta Općine Breza (Službeni glasnik Općine Breza, broj 8/09 – prečišćeni tekst), na prijedlog Općinskog načelnika broj 01/2-04-1364/21, Općinsko vijeće Breza na sedmoj redovnoj sjednici održanoj dana 27.05.2021.godine, donosi:

ZAKLJUČAK

I

Da se iz Budžeta Općine Breza za 2021 godinu, planirani iznos Kapitalnog granta JU Dom zdravlja Breza – konto 615000, za nabavku serološkog aparata i kontejnera za prijem COVID pacijenata u iznosu od 11.0000 KM u cijelosti usmjeri za nabavku modernijeg serološkog aparata, kao dio učešća u finansiranju nabavke istog.

II

Za realizaciju Zaključka zadužuje se Općinski načelnik i Služba za finansije, inspeksijske poslove i opću upravu.

III

Ovaj Zaključak stupa na snagu danom donošenja i objavit će se u „Službenom glasniku Općine Breza“.

Dostavljeno:
1x Općinski načelnik,
1x Služba za finansije, inspeksijske poslove i
opću upravu,
1x JU Dom Zdravlja Breza
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1300/21
Breza 27.05.2021.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09, – Prečišćeni tekst), prilikom razmatranja ostavke o radu u Komisiji za izbor, imenovanja i administrativne poslove vijećnika Gavranović Dine, Općinsko vijeće Breza na sedmoj redovnoj sjednici održanoj 27.05.2021. godine, donosi

R J E Š E N J E
o razrješenju
člana Komisije za izbor, imenovanja i administrativne poslove

I

Razrješava se dužnosti Gavranović Dino član Komisije za izbor, imenovanja i administrativne poslove, zbog podnešene ostavke („Službeni glasnik Općine Breza“, broj 01/21).

II

Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:

1x Komisija za izbor, imenovanja i
administrativne poslove

1x Gavranović Dino,

1x 01/1,

1x a/a.

PREDSJEDAVAJUĆI

Općinskog vijeća

Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1300-1/21
Breza, 27.05.2021.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09-prečišćeni tekst) Općinsko vijeće Breza na sedmoj redovnoj sjednici održanoj 27.05.2021. godine, donosi

R J E Š E N J E
o imenovanju člana
Komisije za izbor, imenovanja i administrativne poslove

I

U Komisiju za izbor, imenovanja i administrativne poslove imenuju se
Grgić Goran, vijećnik Općinskog vijeća Breza.

II

Dužnost članova Komisije utvrđene su u članu 40. Poslovnika o radu Općinskog vijeća Breza („Službeni glasnik Općine Breza, broj 3/11, 2/18 i 4/21)

III

Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:

1x Komisija za izbor, imeonovanja i
administrativne poslove,
1x Goran Grgić,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj:01/1-02-1103-2/21
Breza 27.05.2021.godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 19. tačka 18. Statuta Općine Breza („Službeni glasnik Općine Breza“, broj 8/09, – Prečišćeni tekst), prilikom razmatranja Zaključka Općinskog vijeća, broj: 01/1-02-1103-1/21 od 29.04.2021.godine, Općinsko vijeće Breza na sedmoj redovnoj sjednici održanoj 27.05.2021.godine, donosi

R J E Š E N J E**o razrješenju Komisije za Budžet i finansije****I**

Razrješavaju se dužnosti predsjednik i članovi Komisije za Budžet i finansije („Službeni glasnik Općine Breza“, broj: 02/21), i to:

1. Hasić Muhamed, predsjednik
2. Dedić Džemil, član
3. Ibrahimović Emir, član
4. Kovačević Sanela, član
5. Šljivo Dino, član

II

Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:
5x Članovima komisije,
1x Služba za finansije, inspekcijske poslove i
opću upravu,
1x Komisija za izbor, imenovanja i
administrativne poslove,
1x 01/1,
1x a/a.

PREDSJEDAVAJUĆI
Općinskog vijeća
Rihić Anel, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-1401/21
Breza, 27.05.2021.godine

Na osnovu članova 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije Bosne i Hercegovine brojevi 12/03 i 65/13), članu 12. Odluke o zadržavanju prava i obaveza osnivača prema JU Opća biblioteka „Muhamed Kantardžić“ Breza (Službeni glasnik Općine Breza broj 09/99) i na osnovu članova 19. i 115. Statuta Općine Breza (Službeni glasnik općine Breza broj 08/09 – prečišćeni tekst), na prijedlog Općinskog načelnika, Općinsko vijeće Općine Breza na sedmoj redovnoj sjednici održanoj dana 27.05.2021.godine, donosi slijedeće:

RJEŠENJE

o imenovanju na kraći vremenski period članova Upravnog odbora JU Opća biblioteka „Muhamed Kantardžić“ Breza

I

U Upravni odbor Javne ustanove Opća biblioteka „Muhamed Kantardžić“ Breza imenuju se članovi na kraći vremenski period, i to:

1. Alma Beširević-Valjevac, predsjednik
2. Selma Hušić, član
3. Ivona Cvjetković, član

II

Imenovani članovi imenuju se na kraći vremenski period u skladu sa Zakonom, počev od dana donošenja ovog Rješenja, odnosno do provođenja konkursne procedure radi konačnog imenovanja članova Upravnog odbora Ustanove.

III

Prava, obaveze i odgovornosti vršioca dužnosti članova Upravnog odbora Javne ustanove Opća biblioteka „Muhamed Kantardžić“ Breza regulirana su odredbama Uredbe sa zakonskom snagom o ustanovama Bosne i Hercegovine i Pravilima Opće biblioteke „Muhamed Kantardžić“ Breza.

IV

Naknada za rad članova Upravnog odbora Javne ustanove Opća biblioteka „Muhamed Kantardžić“ Breza utvrđena je Odlukom o utvrđivanju visine naknade za rad Upravnih odbora u Javnim ustanovama kojima je osnivač općina (Sl. glasnik broj: 04/18).

V

Rješenje stupa na snagu danom donošenja i objaviće se u „Službenom glasniku Općine Breza“.

Dostavljeno:
1x Imenovanim,
1x JU Opća biblioteka „Muhamed Kantardžić“ Breza,
1x 01/1,
1x a/a.

PREDSJEDAVAJUĆI
Općinskog vijeća
Anel Rihčić, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 30. i 117. Statuta općine Breza („Službeni glasnik općine Breza“ broj 8/09 - Prečišćeni tekst) i člana 82. Poslovnika o radu Općinskog vijeća općine Breza („Službeni glasnik općine Breza“ broj 3/11 - Prečišćeni tekst) Drugostepena upravna komisija donosi:

**POSLOVNIK
O RADU DRUGOSTEPENE UPRAVNE KOMISIJE**

I. OPŠTE ODREDBE**Član 1.**

Ovim Poslovníkom uređuju se pravila i postupak rada i odlučivanja Drugostepene upravne komisije općine Breza (u daljem tekstu Komisija), kao i druga pitanja od značaja za rad Komisije.

Član 2.

Komisija svoje akte donosi u skladu i sa pravilima upravnog postupka utvrđenim Zakonom o upravnom postupku Federacije BiH, kao i drugim relevantnim propisima. Rad Komisije zasniva se na osnovnim načelima Zakona o upravnom postupku Federacije BiH.

II. SASTAV I NADLEŽNOSTI KOMISIJE**Član 3.**

Komisija se sastoji od pet (5) članova, od kojih je jedan član predsjednik Komisije. Predsjednika i članove komisije imenuje Općinsko vijeće i isti obavljaju dužnost za vrijeme mandata Općinskog vijeća koje je izvršilo njihovo imenovanje.

Član 4.**(Poslovi Predsjednika i članova Komisije)**

Predsjednik Komisije obavlja, sljedeće poslove:

- a. predstavlja Komisiju i učestvuje u njenom radu;
- b. ostvaruje neposrednu saradnju sa Stručnom službom općinskog vijeća Breza
- c. saziva sjednice i radne sastanke Komisije i predsjedava sjednicom, odnosno sastankom;
- d. predlaže dnevni red;
- e. koordinira radom Komisije;
- f. potpisuje Rješenja, Zaključke i druge akte koje donosi Komisija;
- g. podnosi Izvještaj o radu Općinskom vijeću uz ukazivanje na uočene probleme od strane komisije u primjeni općinskih propisa;
- h. obavlja i druge poslove iz nadležnosti Komisije.

U slučaju privremene spriječenosti predsjednika Komisije, dužnost predsjednika obavlja član Komisije kojeg ovlasti predsjednik komisije.

Član 5.

Članovi Komisije obavljaju, sljedeće poslove:

- a. razmatraju žalbe protiv prvostepenih rješenja i drugih prvostepenih pojedinačnih akata donesenih od strane Općinskog načelnika i službi za upravu općine Breza;
- b. predlažu načine rješavanja pitanja iz nadležnosti Komisije;
- c. zajednički učestvuju u donošenju prijedloga odluka, rješenja, zaključaka i drugih akata Komisije;
- d. učestvuju u pripremi određenih materijala;
- e. obavljaju i druge poslove iz nadležnosti Komisije.

Član 6.**(Nadležnosti komisije)**

Komisija rješava po žalbama protiv prvostepenih rješenja i drugih prvostepenih pojedinačnih akata donesenih od strane Općinskog načelnika i službi za upravu.

III. NAČIN RADA KOMISIJE**Član 7.****(Održavanje sjednica)**

Članovi Komisije su dužni da prisustvuju sjednicama Komisije, a u slučaju spriječenosti da blagovremeno obavijeste predsjednika Komisije ili ovlaštenu osobu Stručne službe Općinskog vijeća Breza.

Poziv za sjednicu Komisije kao i kompletan predmet koji se razmatra od strane Komisije, dostavlja Stručna služba općinskog vijeća službenom poštom ili putem elektronske pošte (E-mail) svim članovima komisije a prema rokovima utvrđenim Zakonom o upravnom postupku Federacije BiH.

U slučajevima opravdane spriječenosti da prisustvuje sjednici, član Komisije može neposredno prije sjednice dostaviti svoj pismeni prijedlog stava/odluke u vezi sa konkretnim predmetom svim članovima komisije.

Član 8.**(Donošenje odluka)**

Komisija je u svom radu nezavisna.

Sjednica komisije je zatvorena za javnost sve do dostavljanje konačnog akta stranci.

Članovi komisije su dužni da čuvaju privatnost i zaštitu podataka žalitelja kao i cjelokupnog predmeta koji se razmatra.

Član 9.

Komisija donosi odluke na sjednicama konsenzusom a ukoliko isti u vezi određene pravne stvari ne postoji, odluka se donosi prostom većinom glasova, meritorno rješavajući o žalbi donošenjem rješenja a o procesnim pitanjima donošenjem zaključka.

Iz opravdanih razloga (bolest, iznenadna odsutnost, godišnji odmor i slično), sjednica Komisije može se održati ako joj prisustvuju najmanje tri člana. Odluke na ovoj sjednici donose se na isti način.

Sjednica se može održati i online, putem raspoloživih internet platformi.

Član 10.

Razmatranje i odlučivanje na sjednici Komisije vrši se po tačkama utvrđenog dnevnog reda.

O tački dnevnog reda otvara se rasprava i nakon toga usvajaju odluke, prijedlozi i zaključci svih članova komisije.

O toku sjednice vodi se Zapisnik.

Zapisnik sa predhodne sjednice Komisije usvaja se u pravilu na narednoj sjednici.

Član 11.

Izjavitelj po uložnim žalbama, može se odrediti iz reda članova Komisije za svaku sjednicu, koji proučava upravni predmet i predlaže rješenje o žalbi.

Komisija može zahtijevati od prvostepenog organa, da, ukoliko ocijeni da je to neophodno, pismeno pojasni pojedine činjenice i dokaze na osnovu kojih je doneseno prvostepeno rješenje.

Član 12.

Prijedlog konačnog akta Komisije, u pismenoj formi, može sačiniti svaki član Komisije.

Predsjednik Komisije po završetku sjednice/a, na kojima se razmatrala žalba, predlaže člana Komisije koji sačinjava konačni akt komisije u pismenoj formi i isti dostavlja svim članovima Komisije na usaglašavanje.

Usaglašeni akt Komisije, u pismenoj formi, Predsjednik Komisije potpisuje i vrši se njeno dostavljanje Stručnoj službi Općinskog vijeća na daljnje postupanje, u skladu sa Zakonom o upravnom postupku Federacije BiH.

Komisija u svom radu koristi pečat Općinskog vijeća.

Član 13.

Članovima komisije pripada naknada prema Odluci Općinskog vijeća i utvrđenog troškovnika radnih sati.

Članu komisije koji sačinjava akt u pismenoj formi, naknada se uvećava prema utvrđenom troškovniku radnih sati.

Član komisije koji sačinjava akt može koristiti prostorije i informatičko - tehničke resurse općine ili koristiti vlastite informatičko - tehničke resurse.

Član 14.**(Izuzeće člana komisije)**

Komisija je dužna po službenoj dužnosti paziti ima li razloga za izuzeće člana/ova komisije u radu na određenom upravnom predmetu.

Član komisije izuzet će se od rada u predmetu ukoliko se utvrdi bilo koji od razloga za izuzeće propisan Zakonom o upravnom postupku Federacije BiH.

Član komisije koji sazna da postoji neki od razloga za izuzeće, mora odmah prekinuti svaki dalji rad na tom predmetu i bez odlaganja o tome obavijestiti nadležni organ koji odlučuje o izuzeću sa navođenjem razloga zbog kojih se mora izuzeti od daljnjeg rada na predmetu.

Član 15.**(Prelazne i završne odredbe)**

Članovi Komisije mogu predlagati izmjene i dopune ovog Poslovnika.

Za sve što nije regulisano ovim poslovníkom primjenjivat će se odredbe Statuta i Poslovnika Općinskog vijeća i važeći zakonski propisi i drugi opći akti.

Poslovník o radu Drugostepene upravne komisije stupa na snagu danom usvajanja od strane komisije, po dobijanja saglasnosti od strane Općinskog vijeća i ima se objaviti u „Službenom glasniku Općine Breza“.

Broj: 01/1-02-765-2/21
Breza, 25.03.2021.godine

Predsjednik
Drugostepene upravne komisije
Senad Hasanspahić, s.r.

S A D R Ź A J

- 169. Odluka o lokalnim i nerazvrstanim cestama na području Općine Breza
- 181. Odluka o izmjenama i dopunama Odluke o kriterijima i postupku ostvarivanja prava iz oblasti socijalne zaštite porodice sa djecom, podsticanja nataliteta i prava na novčanu i drugu materijalnu pomoć pod povoljnijim uslovima na području Općine Breza
- 183. Odluka o prihvatanju poklona
- 184. Odluka o imenovanju Komisije za realizaciju Strateškog plana razvoja Općine Breza
- 186. Zaključak o usvajanju Programa izgradnje spomen obilježja na području Općine Breza za 2021/2022. godinu, broj: 01/2-12-04-1341/21 od 18.05.2021.godine
- 186. Zaključak o neusvajanju Izvještaja o radu sanitarno-komunalnog inspektora Općine Breza za 2020.godinu
- 187. Zaključak o davanju podrške Frljak Vasviji
- 188. Zaključak o usmjeravanju kapitalnog granta JU Dom zdravlja Breza
- 189. Rješenje o razrješenju člana Komisije za izbor, imenovanja i administrativne poslove
- 189. Rješenje o imenovanju člana Komisije za izbor, imenovanja i administrativne poslove
- 190. Rješenje o razrješenju Komisije za Budžet i finansije
- 191. Rješenje o imenovanju na kraći vremenski period članova Upravnog odbora JU Opća biblioteka „Muhamed Kantardžić“ Breza
- 192. Poslovnik o radu Drgostepene upravne komisije

